

saepe dicto monasterio Cellensi non caveretur a calumpniis et vexationum molestiis modis omnibus quibus posset. Huius rei testes sunt Mychael prior, Wilhelmvs subprior Cellenses, Albertus, Gerhardus, Sifridus monachi eiusdem loci, Vlricus canonicus et cellerarius Misnensis, Hugo canonicus Worcinensis, Cōnradus notarius noster, Waltherus notarius Ottonis de Ilburg, Burchardus de Werenboldestorp, Petrus miles de Nozzin, Otto de Ilburg et Otto filius eius, Magnus de Herswâlde et alii quam plures. Acta sunt haec in Cella sanctae Mariae in die beatae Margaretae. Datum anno gratiae M°. CC°. XLI°. indictione XIIIª., pontificatus nostri anno secundo, regnante domino nostro Jhesu Christo feliciter amen.

Nach dem Orig. im K. Haupt-Staatsarchiv zu Dresden mit dem wohl erhaltenen Siegel des Bischofs an Fäden von weisser, rother und gelber Seide.

No. 123. 1241. 22. Aug.

B. Conrad ertheilt denen vierzig Tage Ablass, welche bussfertig die Stiftskirche zu Zeitz und die Capelle des h. Blasius, welche von Steinen erbauet werden soll, durch milde Gaben unterstützen.

C. dei gratia Misnensis episcopus universis Christi fidelibus praesentem litteram inspecturis salutem et veram in domino caritatem. Quoniam ut ait apostolus omnes stabimus ante tribunal Christi recepturi, prout in corpore gessimus, sive bonum fuerit sive malum, oportet nos diem messionis extremae bonis operibus praevenire ac aeternorum intuitu seminare in terris, quod reddente domino cum multiplicato fructu recolligere valeamus in coelis, firmam spem fiduciamque tenentes, quoniam qui parce seminat parce metet, et qui seminat in benedictionibus, vitam metet de benedictionibus sempiternam. Cum igitur ex seminibus terrenorum coelestia metere iam possitis, universitatem vestram rogamus, monemus et in remissionem vestrorum vobis iniungimus peccatorum, quatinus ecclesiae beatorum apostolorum Petri et Pauli in Cice nec non et beato Blasio glorioso martyri, in cuius honore honorabiles domini Cicensis lapideam desiderant construere capellam, pias vestras elemosinas erogetis, ut per haec et alia bona, quae feceritis, vitam valeatis ingredi sempiternam. Nos quoque omnipotentis dei misericordia et nostra auctoritate confisi omnibus, qui ad tam pium opus suas elemosinas erogaverint, quadraginta dies de iniunctis sibi annuis poenitentiis, si vere contriti fuerint et confessi, et unam karenam misericorditer relaxamus. Volumus tamen, ut praesentibus nuntiis Misnensis ecclesiae dicta ecclesia vel eorum nuntii hac indulgentia non utantur. Datum Misnae anno domini M°. CC°. XLI°. XI. Kal. Septembris, pontificatus nostri anno secundo.

Nach dem Copiar. D. 23 aus dem 15. Jahrh. im Stiftsarchiv zu Zeitz fol. 66^b vergl. mit dem Copiar. LVI fol. 28^b im Prov.-Archiv zu Magdeburg.